

## Prijedlog

Na osnovu člana 6. stav 1. tačka 13., te člana 20. Stav 2. Zakona o koncesijama ("Službene novine Kantona Sarajevo" br: 27/11 i 15/13), člana 13. Zakona o principima lokalne samouprave u FBiH ("Službene novine " br: 49/06) , člana 55. tačka 2. Statuta općine Ilijaš-Prečišćeni tekst ("Službene novine Kantona Sarajevo" br: 20/09) i člana 99. Poslovnika Općinskog vijeća Ilijaš ("Službene novine Kantona Sarajevo br: 2/10 i 18/15) Općinsko vijeće Ilijaš na svojoj ----- sjednici održanoj -----2017. godine, **donijelo je:**

### **O D L U K U**

**o davanju saglasnosti za provođenje postupka dodjele koncesije za eksploataciju mineralne sirovine- krečnjaka na lokalitetu "Sabanci" općina Ilijaš**

#### Član 1.

Daje se saglasnost privrednom društvu "Halilović" doo Sarajevo-Ilijaš, sa sjedištem u ul. Obala 27. Podlugovi - Ilijaš, za provođenje postupka dodjele koncesije za eksploataciju mineralne sirovine- krečnjaka na lokalitetu "Sabanci" na području općine Ilijaš na parceli označenoj k.č. br: 767/1 KO Hadžići Crna Rijeka-s.p. , a prema obuhvatu označenim koordinatama:

tačka	koordinata X	koordinata Y
A	6 542 165,64	4 879 591,99
B	6 542 345,51	4 879 702,75
C	6 542 418,21	4 879 633,73
D	6 542 249,67	4 879 529,16

ukupne površine 19.920,67m<sup>2</sup>

#### Član 2.

Saglasnost se daje na period od 3(tri) godine, od dana stupanja na snagu Odluke, u kome se privredno društvo "Halilović" doo Sarajevo- Ilijaš obavezuje da potpiše ugovor o koncesiji sa nadležnim ministarstvom.

Ukoliko privredno društvo "Halilović" doo Sarajevo-Ilijaš u datom periodu ne potpiše ugovor o koncesiji , ova Saglasnost prestaje da važi.

#### Član 3.

Odluka stupa na snagu danom objavljivanja u "Službenim novinama Kantona Sarajevo".

Broj:  
Ilijaš,

PREDSJEDAVAJUĆI  
OPĆINSKOG VIJEĆA

Mahir Dević, prof. s.r.

### **Obrazloženje:**

Privredno društvo "Halilović" doo Sarajevo-Ilijaš, obratilo se Općinskom načelniku sa zahtjevom za davanje saglasnosti Općinskog vijeća za dodjelu koncesije za eksploataciju mineralnih sirovina na lokalitetu "Sabanci" općina Ilijaš . Uz zahtjev je priložen Program ekonomske opravdanosti – ležište krečnjaka "Sabanci" , obuhvat eksploatacionog polja sa koordinatama i kao i notarski obrađen predugovor o kupovini predmetne lokacije obzirom da se radi o privatnom vlasništvu.

Pravni osnov za donošenje ove Odluke sadržan je u članu 6. stav 1. tačka 13 . Zakona o koncesijama ("Službene novine Kantona Sarajevo" br: 27/11 i 15/13), kojim su propisani predmeti koncesije ( u konkretnom slučaju: istraživanje i /ili korištenje nemetalnih mineralnih sirovina uključujući sekundarne mineralne sirovine propisane posebnim zakonom), a u vezi sa članom 20. stav 2. istog Zakona kojim je propisano da u slučaju samoinicijativne ponude za dodjelu koncesionog ugovora, ponuđač je dužan između ostalog i dostaviti riješena prethodna pitanja- saglasnost OV za provođenje postupka dodjele koncesije.

Nadalje pravni osnov je sadržan u članu 13. Zakona o principima lokalne samouprave FBiH ("Službene novine " br: 49/06), člana 55. Statuta općine Ilijaš - Prečišćeni tekst ("Službene novine Kantona Sarajevo" br: 20/09) i člana 99. Poslovnika Općinskog vijeća Ilijaš ("Službene novine Kantona Sarajevo br: 2/10 i 18/15) kojim su propisane nadležnosti OV za donošenje ovog dokumenta.

Služba za privredu, finansije i investicije